

Tillaga stjórnar BHM um aðildargjöld árið 2023

Samkvæmt lögum BHM greiða öll aðildarfélög aðildargjald til bandalagsins sem aðalfundur ákveður. Ákvörðun um aðildargjald tekur gildi fyrsta dag reikningsárs eftir aðalfund BHM.

Verulega hefur gengið á eigið fé BHM á gildistíma nýs aðildagjaldamóðels en árin 2019-2021 drógust rauntekjur¹ BHM saman um 10% sem er nokkuð umfram það sem lagt var upp með. Á sama tíma hafa tekjur aðildarfélaga BHM af félagsgjöldum aukist um 5% að raunvirði. Árið 2021 var bandalagið rekið með halla sem nemur 8,6 m. kr. og gangi fjárhagsáætlun ársins 2022 eftir mun hallarekstur ársins nema um 41 m. kr. Undir árslok verður því búið að ganga tilfinnanlega á eigið fé bandalagsins ef að líkum lætur. Á það er bent að umfang þeirra verkefna sem unnin eru á vettvangi bandalagsins hefur aukist nokkuð á sama tíma og rauntekjur hafa dregist saman.

Sé miðað við óbreytt þjónustustig við aðildarfélög BHM má gera ráð fyrir að aðildargjöld BHM þurfi að nema um 297 m. kr. árið 2023. Tekjuáætlun ársins gerir ráð fyrir að aðildargjöld muni nema um 270 m. kr.² í óbreyttu aðildagjaldalíkani. Þannig er fyrir séð að öllu óbreyttu að rekstrarhalli BHM muni nema tæpum 30 m. kr. á komandi ári. Ómarkað eigið fé bandalagsins mun ekki standa undir slíkum halla.

Gjaldamódel BHM er byggt upp á persónugjaldi sem lagt er á hvern félagsmann aðildarfélaga, hlutfallsgjaldi sem dregið er af heildarlaunum félagsmanna og afsláttum af persónugjaldi sem fer stighækkandi eftir því sem félagsfólki fjölgar innan hvers aðildarfélags. Persónugjald er árið 2022 12.393 kr. (áætlað að það verði 13.183 kr. árið 2023), hlutfallsgjald er reiknað með 0,034% og afslættir eru veittir samkvæmt töflu hér að neðan.

Lágmarks fjöldi	Hámarks fjöldi	Afsláttur
1	250	0,0%
251	500	2,0%
501	750	4,0%
751	1.500	6,0%
1.501	2.000	8,0%
2.001	∞	10,0%


Að framansögðu er lagt til að aðildargjöld taki breytingum til að fyrirbyggja frekari hallarekstur bandalagsins.

Framlögð tillaga gerir ráð fyrir minnkandi vægi fjöldaafslátta sem er í takt við niðurstöðu skýrslu sem unnin var fyrir BHM við upphaf árs 2022 af Intellectum og Reykjavík Economics. Þar kemur fram að afsláttakerfið þyki ógagnsætt og að það leiði til aukinna byrða fyrir fámennari félög sem erfitt er að réttlæta enda byggji þjónusta bandalagsins að mestu á

¹ Miðað við vegna vísitölu, 70% launavísitala og 30% vísitala neysluverðs sem endurspeglar samsetningu rekstrarkostnaðar bandalagsins.

² Í forsendum útreiknings er gert ráð fyrir að vísitala launa hækki um 7% á tímabili og að fjölgun innan hvers aðildarfélags sé sambærileg og á milli áranna 2020 og 2021.

einskonar almannagæðum. Þá gerir tillagan ráð fyrir að hlutfallsgjald sé hækkað á móti lækkuðu persónugjaldi. Við núverandi ástand er þessi tillaga talin koma til móts við flest sjónarmið. Tillagan dreifir aukinni fjárþörf bandalagsins á nánast öll aðildarfélög bandalagsins og hlutfallslega mest á þann hóp sem fékk mesta meðgjöf úr breytingu á aðildargjaldamódeli árið 2020. Með því að hækka hlutfallsgjald og lækka persónugjald er einnig komið til móts við ólíka samsetningu félaga. Þannig er tryggt að félög sem hafa tekjulægri hópa innanborðs, svo sem marga hlutastarfandi félagsmenn eða einyrkja, beri ekki hækkun aðildargjalda í gegnum persónugjald sem leggst á þann hóp. Eins er horft til þarfa fjölmennari félaga og afsláttakerfi viðhaldið. Í meðfylgjandi grafi má sjá samanburð á væntum tekjum miðað við óbreytt aðildargjöld annarsvegar og hinsvegar miðað við framlagða tillögu.



Vænt áhrif tillögunnar á hvert félag, miðað við gefnar forsendur, má finna í viðauka tillögunnar.

Tillaga stjórnar um aðildargjöld BHM árið 2023

Lagt er til að hlutfallsgjald verði 0,085% af heildarlaunum hvers félagsmanns og persónugjald verði 10.000 kr. af hverjum félagsmanni. Lágmarksaðildargjöld hvers félags verði 250.000 kr. Fjöldaafslættir verði á bilinu 1% - 5% og reiknaðir skv. meðfylgjandi töflu. Útfærsla talningar félagsmanna og innheimtu aðildargjalda verði að öðru leiti eins og samþykkt var á aukaaðalfundi BHM árið 2020.

Lágmarks fjöldi	Hámarks fjöldi	Afsláttur
1	250	0,0%
251	500	1,0%
501	750	2,0%
751	1.500	3,0%
1.501	2.000	4,0%
2.001	∞	5,0%

Viðauki

	Áætluð aðildargjöld miðað við 0,17% + 150 þ.kr. fastagjald	Áætluð aðildargjöld 2023 í óbreyttu ástandi	Tillaga stjórnar
Arkitektafélag Íslands	1.800.000	1.800.000	2.000.000
Dýralæknafélag Íslands	2.700.000	2.800.000	3.100.000
Félag akademískra starfsmanna HR	1.400.000	1.000.000	1.200.000
Félag fréttamanna	1.100.000	1.000.000	1.100.000
Félag geislafræðinga	3.300.000	3.100.000	3.400.000
Félag háskólakennara	18.400.000	23.500.000	24.500.000
Félag háskólakennara á Akureyri	2.900.000	3.000.000	3.300.000
Félag háskólam. starfsm. Stjórnarráðsins	17.100.000	14.900.000	17.300.000
Félag íslenskra félagsvísindamanna	4.100.000	4.100.000	4.500.000
Félag íslenskra hljómlistarmanna	6.500.000	8.600.000	8.800.000
Félag íslenskra listamanna í sviðslistum og kvikmyndum	2.000.000	2.600.000	2.600.000
Félag íslenskra náttúrufræðinga	35.200.000	34.100.000	38.700.000
Félag leikstjóra á Íslandi	400.000	400.000	400.000
Félag lífeindafræðinga	5.100.000	5.000.000	5.500.000
Félag prófessora við Ríkisháskóla	8.300.000	7.000.000	8.100.000
Félag sjúkrabjálfa	8.100.000	9.500.000	10.000.000

Félagsráðgjafafélag Íslands	8.900.000	8.800.000	9.700.000
Fræðagarður	48.700.000	53.800.000	59.100.000
Iðjubjálfafélag Íslands	4.200.000	5.100.000	5.300.000
Kjarafélag viðskipta- og hagfræðinga	34.200.000	30.200.000	35.200.000
Ljósmeðrafélag Íslands	5.000.000	4.500.000	5.100.000
Prestafélag Íslands	3.600.000	2.700.000	3.300.000
Samband íslenskra myndlistarmanna	500.000	600.000	600.000
Sálfræðingafélag Íslands	8.200.000	8.900.000	9.600.000
Stéttarfélag bókasafns- og uppl.fræðinga	3.700.000	3.800.000	4.100.000
Stéttarfélag lögfræðinga	18.500.000	16.900.000	19.300.000
Tannlæknafélag Íslands	250.000	250.000	250.000
Þroskabjálfafélag Íslands	11.600.000	12.300.000	13.400.000
Samtals	265.750.000	270.250.000	299.450.000

Forsendur

Fjöldi: Gert er ráð fyrir að fjölgun inna hvers félags sé sambærileg og milli áranna 2020 og 2021.

Launagrunnur félagsfólks: Í forsendum er gert ráð fyrir að laun hækki almennt um 7% árið 2023.

Þróun launavísitölu: Persónugjald tekur breytingum að öllu óbreyttu samkvæmt hækkun launavísitölu. Ráðgert er að vísitalan hækki um 6,4% frá nóvember 2021 og fram í október 2022.